

S(o)ma 11 malt(er).

[10^v] <It(em) von dem vorg(e)n(an)t(en)> tag an biss off samstag | <...>tag, do enbind(en) sind 14 | <tag, vnd sint> hÿ gewesten 16 menschen | <hussgesins vnd> 4 frauwen, dÿ do ey(n) tag leyne(n) | <ussdragen, vnd ...> tag 32 menschen, dÿ do | <...>t vnd de(r) kowehirt 11 | <tage, ist gessen an> brode 3 malt(er).

<It(em) von dem vor>g(e)n(an)t(en) tag an biss off samstag | <...>, do enbind(en) sint 14 tag, | vnd <sint hÿ gewe>st(en) 16 menschen hussgesins | vnd <juncher Sym>ont Mauchenheimer, Wo(u)stenbart | vnd Nossel vnd 12 menschen, dÿ do zu | acker forn, vnd 42 menschen, dÿ do holtz | vnd stecken forte(n) zu dem Dal zun zu machen, vnd 6 schutze(n) von Lypach, dÿ do ey(n) tag | hotte(n) off dem sloss, ist gessen an brode 3 malt(er).

It(em) von dem vorg(e)n(an)t(en) tag an biss off samstag | nach Sant gallen tag, do enbind(en) sint 14 | tag, vnd sint hÿ geweste(n) 16 menschen | hussgesins vnd 8 schutze(n) 2⁶⁰ tag vnd 2⁶¹ nacht | vnd Johan ey(n) tag vnd ey(n) macht vnd juncher | Symont vnd Wustenbart vnd Nossel vnd ey(n) | schutz diss gantz zit, vnd 20 mensche(n), dÿ do | zygeln fort(en), ey(n) ymss vnd 24 frauwen, | <dÿ> do flass vnd hanff brachte(n) vnd hechelt(en) | ey(n) tag, vnd 120 mensch(en), dÿ usser dem | Kongrich gein Kirckel kame(n), den gap ich brot, | ist gessen an brode 4 malt(er) k(orns).

It(em) von dem vorg(e)n(an)t(en) tag an biss off samstag | vor Allerhelge(n) tag, do enbind(en) sint 14 tag, | vnd sint hÿ geweste(n) 16 mensche(n) hussgesins | vnd juncher Symont, Wuste(n)bart vnd Nossel | vnd ey(n) schutz vnd Heinrich von Becwir ey(n) | nacht, ist gessen an brode 3 malt(er).

S(o)ma 13 malt(er) k(orns).

[11^r] It(em) von dem vorg(e)n(an)t(en) <tag an biss off sa>mstag | nach Sant Brÿti(us) tag, do enbind<(en) sint 14> tag, vnd | sint hÿ geweste(n) 16 men<sche>n hussgesins | vnd juncher Symont vnd Wuste(n)bart vnd Nossel | vnd ey(n) schutz vnd dÿ rute(r) von Zweinbr(u)cken mit | 9 pherden ey(n) tag vnd ey(n) nacht, vnd der | bosse(n)menst(er) ey(n) tag vnd ey(n) nacht, vnd Thebolt | vnd Kykels Hensel ey(n) tag vnd ey(n) nacht, vnd | 4 czmyerlude ey(n) tag vnd nach<t>, dÿ do holtz | felten gein Zweinbr(u)cken, ist gessen an brode 3 malt(er).

It(em) von dem vorg(e)n(an)t(en) tag an biss off samstag vor | Sant Andreas tag, do enbind(en) sint 14 tag, vnd | sint hÿ geweste(n) 16 menschen hussgesins vnd | juncher Symont, Wuste(n)bart vnd Nossel vnd ey(n) | schutz | vnd Thebolt vnd Kibels Hensel 2 nacht vnd der | amptman von Zweinbr(u)cken ey(n) nacht mit 5 pherd(en) | vnd 6, dÿ do habern brathen von Geilbach, ist | gessen an brode 3½ malt(er).

⁶⁰ Nach schutze(n) gestrichen ey(n) und über der Zeile eingefügt ij.

⁶¹ Nach vnd gestrichen ey(n) und über der Zeile eingefügt ij.